



25.06. 2021. godine, broj 2.

Općina Stari Grad Sarajevo 

Počela rekonstrukcija ulice Hamdije Kreševljakovića


U ulici Hamdije Kreševljakovića, od Drvenije do Trga Austrije, u toku je projekat koji uključuje rekonstrukciju saobraćajnice i pješačkih staza...



VIŠE NA
LINKU 

Načelnik Hadžibajrić najavio rekonstrukciju Trga Alije Izetbegovića

Općinski načelnik mr Ibrahim Hadžibajrić najavio je da će pitanje Trga Alije Izetbegovića biti riješeno na način da će se raditi rekonstrukcija platoa...



VIŠE NA
LINKU 

Prihvaćene inicijativa “Ime jednog roditelja”

Udruženje “Zaboravljena djeca rata” pokrenulo je inicijativu “Ime jednog roditelja” u zvaničnim obrascima, umjesto dosadašnjeg “Ime oca”...



VIŠE NA
LINKU 

Četvrti rođendan Centra za promociju i unapređenje zdravlja

Centar za promociju i unapređenje zdravlja Općine Stari Grad obilježio je u At mehdanu svoju četvrtu godišnjicu uspješnog djelovanja...



VIŠE NA
LINKU 






Počela rekonstrukcija ulice Hamdije Kreševljakovića

U ulici Hamdije Kreševljakovića, od Drvenije do Trga Austrije, u toku je projekat koji uključuje rekonstrukciju saobraćajnice i pješačkih staza uz zamjenu oborinske kanalizacije na trasi dugoj cca 650 metara. Cilj projekta je poboljšanje saobraćajne komunikacije, te povećanje bezbjednosti i kapaciteta saobraćaja u jednoj od najfrekventnijih saobraćajnica u užoj gradskoj jezgri. Radovi se trenutno izvode na dionici od Srednje škole

poljoprivrede, prehrane, veterine i uslužnih djelatnosti prema Bakr-babinoj džamiji gdje se uklanja stari asfalt. Projekat je vrijedan oko 750.000 KM, a rok za završetak radova je 75 dana.

Radove su obišli općinski načelnik mr Ibrahim Hadžibajrić i ministar saobraćaja KS Adnan Šteta. Radi se o zajedničkom projektu Općine Stari Grad i Ministarstva saobraćaja KS, putem Direkcije za ceste.



Općinski načelnik
mr Ibrahim Hadžibajrić



Ove godine nam je prioritet da završimo ulicu Hamdije Kreševljakovića i Apelov put što smo također dogovorili i vrlo brzo ćemo to ozvaničiti. I pored smanjenih budžeta i u Općini i Kantonu, mi ćemo nastojati da uradimo što više projekata od onih sredstava koja su nam na raspolaganju.



Ministar saobraćaja KS
Adnan Šteta



Radimo jedan jako bitan projekat, saobraćajnicu od Drvenije do Trga Austrije. Radi se o 650 metara rekonstrukcije saobraćajnice. Saobraćajnica je jako bitna zbog trolejbuskog saobraćaja. Vrlo brzo, početkom iduće godine nam dolaze i novi trolejbusi nakon 40. godina, tako da pripremamo saobraćajnicu za nove trolejbusove.



Izmjena režima saobraćaja

Zbog izvođenja radova na snazi je rješenje o privremenoj izmjeni režima saobraćaja. Izmijenjeni režim saobraćaja odnosi se na dio ulice od spoja sa terminalom Drvenija do raskrsnice s ulicom Obala Isa-bega Ishakovića. U periodu od 8.00 do 16.00 sati zbog etapnog obavljanja poslova (dužina 30 do 50 metara), saobraćaj se obavlja naizmjenično jednom trakom, a kretanje pješaka je zaustavljeno u dijelu gdje se izvode radovi. U terminu od 23.00 do 5.00 sati je u potpunosti obustavljen saobraćaj za motorna vozila.



POGLEDAJTE VIDEO PRILOG
KLIKOM NA IKONICU



Načelnik Hadžibajrić najavio rekonstrukciju Trga Alije Izetbegovića

Općinski načelnik mr Ibrahim Hadžibajrić najavio je da će pitanje Trga Alije Izetbegovića biti riješeno na način da će se raditi rekonstrukcija platoa, uz zadržavanje zelenih površina, ali i ostalih sadržaja kao što su spomen-obilježje, biste bh književnika, šahovskog platoa i drugo.

Upravo zahvaljujući odličnim odnosima koje načelnik Hadžibajrić održava sa načelnicima

pobratimskih općina iz Republike Turske, u Starom Gradu realizovani su mnogi kapitalni projekti uz ogromnu finansijsku podršku upravo tih općina.

Pobratimska Općina Fatih i ranije je učestvovala u projektima Općine Stari Grad. Izgradnju multifunkcionalnog sportskog terena Bijela bašča prije nekoliko godina finansirali su iznosom od 86.000 KM.




Općinski načelnik
mr Ibrahim Hadžibajrić

Razmatrajući sve opcije i prijedloge koji su nam upućeni nakon najave izgradnje podzemne garaže na Trgu Alije Izetbegovića, odlučili smo se za ono rješenje koje će svima biti najprihvatljivije. Uz podršku naše pobratimske Općine Fatih iz Republike Turske, radit ćemo rekonstrukciju trga, uz zamjenu dotrajalih ploča. Imali smo u opciji dva projekta, jedan je uključivao podzemnu garažu, a drugi koji smo napravili još prije nekoliko godina uključivao je samo rekonstrukciju platoa. Odlučili smo se za drugu opciju i pronašli donatore, te zvanično mogu najaviti da nam za 20-ak dana u posjetu dolazi načelnik Općine Fatih Ergun Turan kada ćemo potpisati sporazum o saradnji. Oni će u potpunosti finansirati ovaj projekat

Podrška pobratimskih općina

Općina Osmangazi izdvojila je 600.000 KM za rekonstrukciju Bašçaršijskog trga. Grad Bursa i Općina Osmangazi zajedno sa svojim privrednicima finansirali su restauraciju parka At mehdan i izgradnju Bakr-babine džamije iznosom višim od million konvertibilnih maraka. Izgradnju Balkanskog mevlevijsko-istraživačkog centra na Kovačima finansirala je pobratimska Općina Selcukly Konya sa 1,25 miliona maraka. Općina Silivri je 2015. godine finansirala sa 50.000 KM rekonstrukciju krova na OŠ "Saburina", a 2011. godine na Obhodži je izgrađen most Bosansko-turskog prijateljstva za koji je Turska vojna misija u BiH izdvojila 100.000 KM.





Prihvaćene inicijativa “Ime jednog roditelja”

Udruženje “Zaboravljena djeca rata” pokrenulo je inicijativu “Ime jednog roditelja” u zvaničnim obrascima, umjesto dosadašnjeg “Ime oca”. Iako su sve općine u Federaciji BiH pozvane na promjene, prvi korak učinila je samo Općina Stari Grad. Dobra volja pojedinca, u ovom slučaju općinskog načelnika mr Ibrahima Hadžibajrića i otvoreni razgovor sa inicijatorima promjena rezultirali su konkretnim potezima.

Sve službe Općine Stari Grad koje rade sa korisnicima izvršile su prilagođavanje svojih

obrazaca na način da u njima više ne stoji “Ime oca” već “Ime jednog roditelja”.

Obrasce su prilagodile: Služba za privredu, Služba za obrazovanje, kulturu i sport, Služba za boračko-invalidsku i socijalnu zaštitu, Služba za investicije i komunalne poslove i Služba kabineta općinskog načelnika, dok formulari koje koriste ostale službe nisu ni imali tu formulaciju. Ukupno je zamijenjeno 113 obrazaca koji se mogu preuzeti u Šalter sali ili kao elektronski formulari sa općinske web stranice www.starigrad.ba.



Općina Stari Grad Sarajevo

(Prezime, ime jednog roditelja i ime)

(Adresa podnosioca)

OPĆINA STARI GRAD SARAJEVO
Služba za privredu

PREDMET: ZAHTJEV ZA IZDAVANJE ODOBRENJA ZA OBRATU SRODNE DJELATNOSTI

Molim da mi se odobri obavljanje obrtu srodna djelatnost

(navesti predmet poslovanja), sa sjedištem u
(naziv ulice i broj)

Obrt ću obavljati pod firmom : _____



Općinski načelnik
mr Ibrahim Hadžibajrić



Nije bilo nijednog razloga da ne prihvatimo ovu inicijativu, posebno što se radi o vrlo osjetljivoj kategoriji kojoj su na neki način uskraćena osnovna ljudska prava, pravo na izbor i privatnost. Mislim da naš primjer trebaju pratiti i druge institucije i da se treba izvršiti prilagođavanje obrazaca na svim nivoima, kao i da je potrebna sistemska i veća podrška ovoj kategoriji.



Ajna Jusić



Ja se nadam da će ovo biti motivirajući faktor da pokažemo društvu da se može kad se hoće. Sve ove godine na šalterima, kad moram pričati o tome šta se mojoj mami desilo... ja nisam imala zakon na koji bi se pozvala i rekla ti to mene ne smiješ pitati. Ovo su promjene koje nisu zahtijevale nikakve zakonske promjene, nego promjene koje su odraz ljudskosti i poštivanja svih građana i građanki, bez obzira na način na koji su došli na ovaj svijet.



POGLEDAJTE VIDEO PRILOG
KLIKOM NA IKONICU



Četvrti rođendan Centra za promociju i unapređenje zdravlja

Centar za promociju i unapređenje zdravlja Općine Stari Grad obilježio je u At mejdanu svoju četvrtu godišnjicu uspješnog djelovanja. Centar je počeo sa radom 2017. godine u prostorijama koje je u potpunosti adaptirala i opremila Općina Stari Grad koja je do sada za pokretanje i aktivnosti ovog Centra izdvojila više od 200.000 KM.

Proglašeni su i najstariji i najaktivniji članovi Centra za promociju i unapređenje zdravlja. Najaktivniji su Milan Kovačević i Fikreta Begović, a najstarija članica koja redovno učestvuje u svim aktivnostima je Fadila

Džemidžić koja ima 92 godine. Godišnjicu je svojim nastupom uveličao Armin Muzaferija koji je zabavljao prisutne, a pridružili su mu se i članovi hora "Osmijeh" kojeg čine korisnici Centra. Značaj projekata koje realizuje Centar prepoznali su i na Fakultetu zdravstvenih studija Univerziteta u Sarajevu, te su dekanesa Fakulteta prof.dr. Arzija Pašalić i koordinator Centra Mahir Selmanović potpisali Memorandum o saradnji koji će omogućiti da ubuduće studenti Fakulteta zdravstvenih studija aktivno učestvuju u radu Centra pomažući korisnicima.



Općinski načelnik
mr Ibrahim Hadžibajrić



Prije nešto više od četiri godine rodila se ideja o osnivanju ovog Centra, ali sama ideja nije dovoljna i važno je ono što nosite u srcu i iskrena želja da to uspije. Mi smo željeli da ovaj Centar uspije i danas vidimo rezultate toga. Prvo smo našli adekvatne prostorije i adaptirali ih, a onda smo finansirali i projekte Centra kojim uspješno koordinira Udruženje 'Generacija'. Čestitam vam četvrtu godišnjicu i želim da ih još mnogo proslavite.



Mahir Selmanović



Naš Centar ima svoj zdravstveni program, koji je po trendu Svjetske zdravstvene organizacije i koji uključuje svakodnevne terapijske vježbe, individualne vježbe, medicinsko savjetovanje, psiho-socijalne radionice, zdravstvene izlete i još mnogo toga.



Fadila Džemidžić



Već petu godinu dolazim u Centar i predivno mi je. Dođem svaki dan od 9 ujutro, vježbam i meni to puno pomogne. Imam drugarice, družimo se, idemo na izlete. Meni su 92 godine i lijepo je da mogu da dođem ovdje i družim se jer živim sama i meni to puno znači.



POGLEDAJTE VIDEO PRILOG
KLIKOM NA IKONICU